

Batu Pahat jadi daerah persinggahan ketiga di Johor

MOHAMAD NORZAHARUDDIN KASIMON

BATU PAHAT

Program Kembara Saving Is Fun (KSIF) Perbadanan Tabung Pendidikan Tinggi Nasional (PTPTN) Negeri Johor yang diadakan di sini mencapai sasaran apabila dihadiri semua lapisan masyarakat.

Pengurus Besar PTPTN Negeri Johor, Muhammad Faizal Adnan berkata, program kembara itu bukan sahaja menarik perhatian masyarakat, malah memupuk budaya menabung sebagai jaminan pendidikan masa depan.

Menurutnya, Batu Pahat yang merupakan daerah ketiga KSIF selepas Johor Bahru dan Kluang akan diteruskan ke dua lokasi lain iaitu Kota Tinggi.

"Program kembara yang memasuki tahun ketiga penganjurannya tahun ini sebenarnya program penjenamaan PTPTN Johor untuk menggalakkan ibu bapa menyemai budaya menabung dalam kalangan anak-anak mereka.

"Niat kami mahu memberi hebahan kepada masyarakat bahawa PTPTN ada simpanan pendidikan seperti Skim Simpanan Pendidikan Nasional (SSPN) yang boleh dimanfaatkan untuk masa depan pendidikan anak-anak dan mengurangkan bebanan ibu bapa kepada pinjaman pendidikan," katanya kepada pemberita ditemui pada Program Kembara Saving Is Fun PTPTN Negeri Johor di Batu Pahat Mall di sini semalam.



Muhammad Faizal (berdiri empat darjikan) bersama murid SRAB Batu Pahat yang menjurual action song.

Program KSIF PTPTN meriah

Menurutnya, SSPN adalah instrumen simpanan terbaik dan wajar dipilih ibu bapa terutamanya mereka yang mempunyai anak kecil selain menggalakkan golongan itu menabung untuk pendidikan tinggi anak seawal usia yang boleh.

Katanya, beliau mengakui terdapat cabaran buat ibu bapa terutamanya daripada segi kewangan apabila anak-anak mereka melanjutkan pelajaran di peringkat pengajian tinggi kerana kos permulaan memerlukan duit yang banyak dan kian meningkat.

"Sebab itu kami menyarankan kepada ibu bapa untuk membuat tabungan sewaktu anak mereka kecil melalui SSPN dan apabila umur mereka 18 tahun, di dalam akaun tersebut sudah ada sekurang-kurangnya RM5,000 untuk menampung kos awal untuk anak mereka mendaftar masuk ke IPT," katanya Menurut Muhammad Faizal,



Sebahagian murid yang menyertai program KSIF di Batu Pahat semalam.

ibu bapa dan pendeposit juga perlu faham walaupun simpanan kecil iaitu hanya RM30 sebulan tetapi tempoh simpanan yang lama di samping dividen tinggi, jumlah itu akan bertambah

Katanya, program dengan kerja-sama Pejabat Pendidikan Daerah (PPD) Batu Pahat itu turut memilih lokasi-lokasi strategik dan tumpuan awam seperti

pasar raya supaya objektif PTP-TN untuk memupuk budaya menabung akan tercapai.

"Hari ini (semalam) kita lihat program ini mendapat sambutan menggalakkan dan ada ibu bapa yang terus membuka akaun simpanan SSPN untuk anak-anak mereka selain pelbagai aktiviti menarik disediakan.

"Contohnya, pertandingan

akhir action song dan choral speaking dilihat dapat membentuk keyakinan dalam diri pelajar dan keyakinan itu diterjemahkan di dalam pertandingan akhir yang berlangsung di hadapan orang ramai di pasaraya ini hari ini (semalam)," katanya.

Menurutnya, bagi menarik lebih ramai ibu bapa membuat simpanan, PTPTN memperkenalkan Cabutan WOW! SSPN-i Plus dan Cabutan 15 Tahun SSPN-i yang menyediakan hadiah menarik dan cabutan dibuat setiap sukuan dan tahunan.

Pendeposit SSPN berpeluang memenangi hadiah utama cabutan tahunan WOW! SSPN-i Plus berupa sebuah kereta Proton X70 manakala hadiah utama cabutan tahunan 15 Tahun SSPN-i pula wang tunai dalam bentuk akaun SSPN bernilai RM151,515.15 selain hadiah cabutan sukuan tahun juga berupa wang tunai dalam bentuk akaun SSPN.



Para pelajar SK Temenggung Ibrahim Perangar yang mendapat Johan pertandingan choral speaking.



Ibu bapa mendapatkan maklumat lanjut berkenaan SSPN.